

1.

0-1b

Fishing amongst Sotho

Hlapi ga e ratege bathong ba baso ba re ke mokgaditswane. Ge e jewa batho ba raketwa kwa ntle ba re le se ke la tlo re bontšha dinoga. Ke noga ba re e ya nka, batho ba basweu ke bona ba ba reng ke maja-hlapi. Hlapi ga e thewe ka selo, ga ba selo goba lokwa la go swara dihlapu. Lokwa le ba le dirago ke la go topela marulafela. Hlapi e phela madibeng a sa pšheng, fela batho ba baso ba bantšhi ga ba e je. Batho ka go itlwaetša go šomela batho ba basweu ka baka la dithušo tše ba di bonang, ba thoma go tlwaelana le dijo tša bona ba eja le hlapi. Hlapi e no tsebege fela ge e le noga. Dihlapi le ge di na le mehuta e mentšhi, ga di na maina a mantšhi, ge e se leruarue, hlapi ye kgolo kgolo, e e fetago dihlapu ka moka tša naga le tša metse. Hlapi e bitšwa kgofš, fela mohuta wa Basotho ba Batlokwa bona ba be ba leke go di swara nokeng ya Mononono. Ga di apewe di ya gadikiwa fela tša lewa. Batho ba bantšhi ga ba tsebe go apeya hlapi, e kgonwa fela ke banna ba ba kilego ba nna Borwa. Ga e tsebege, ga e ratege, ga e dumiše. Metseng ya Basotho ye

2. megolo ge go ka nyakwa batho ba go ja hlapi go ka ntšha ba babedi ba bararo. Ga e tsebege ka gobane bana ga ba bone ba bagolo ba eja. Ga e ratege ka gobane ga gona yo a ka reng nke le yo re tshwarela dihlapu. Ga e dumiše ka gobane le ge motho a e ija o tla e ija a le tee, ga gona yo a tla re nke o nngathele goba nko o ~~ntx~~ ntlweše hlapi. E tla ba sejo sa yo a jago a le tee. Ge motho a eja hlapi a le tee a ka se ipshine, o tla ratago ba a lahla. Batho ba tlano mo nyatša ba re o jo ja mokgaditswane monna! Ka lapeng la motho go ka tšwa a le tee yo a jang hlapi, metseng ya Sesotho ka nnete fa gongwe gwa se tšwe le o tee. Dihlapi ke dilo tša batho ba basweu di tšwela le bona, sesothong ga re e tsebe, re tseba fela ge e le mokgaditswane wa metse.